

*fide suâ vivet*, i. e. qui firmâ fide meas promissiones de Messiâ tenebit, ille vivet. His enim verbis respondet DEUS prophetae precanti, ex quibus constat, prophetae preces a DEO fuisse exauditas. Sed de hoc infra plura.

*Ut judicet (populos) posuisti eum*) Hebr. *ad iudicium posuisti eum*. Quia supra dictum est v. 6. Chaldaeam perambulaturum esse terram, & occupaturum habitacula, quae non sunt sua, & ex Jeremia cap. XXV. v. 9. patet, eundem plurimas regiones occupaturum esse, inde constat, Chaldaeam plures populos iudicaturum esse; Hinc verto: *Ut judicet (populos) posuisti eum*. Phrasis Hebraea respondet quoq; Latinae, uti Jes. LX. 15 dicitur: *Et ponam te in celsitudinem*, sensusq; est: *et ponam te, ut sis excelsus*; eodem modo h. l. dicitur, *ad iudicium posuisti eum*, i. e. ut sit iudex vel judicet. Sic & Chaldaeus vertit: *ut exequatur iudicium, creasti eum*. Et Kimchi: *quia tu posuisti eum, ut iudices per manum ejus qui rebelles sunt contra te*. Propheta intentionem DEI in antecedentibus revelatam agnoscit, quod Judaeorum aliorumq; populorum scelera vindicare velit armis Chaldaeorum, qua tremendi iudicii executione perterritus rogat, ne per Chaldaeos populum judaicum perdat, & penitus deleat, quod facile fieri posset, quia DEUS crudelem hostem iudicem & vindicem constituerat. Mens prophetae est: domine rogo te, ne permittas, ut nos Chaldaeus crudelis penitus deleat, quia eum iudicem & vindicem peccatorum nostrorum constituisti.

*Et o petra*) Hebr. *וְצִוֵּר* & *petra ad redarguendum fundasti eum*. Primo loco hic observandum, vocem *vezur* & *petra*, vertendam esse in Vocativo, quia tot

L

Voca-